



مشیت جلیلمہ اسلامیہ نمک جریدہ رسیہ سید

جادی الاولیٰ ۱۳۳۴ [*]

عدد: ۲۳

آیدہ بر نشر اول نور

اوپنچی سنہ

مجلس تدقیقات شرعیہ مقرراتی

بنیان حمید قضاسی محکمہ سندن ۱۹ جمادی الاولیٰ سنہ ۱۳۳۳ تاریخہ اعطا اولنان اعلام شرعی حقندہ.

اعلام مذکورک خلاصہ مالی صالح اغا مجلس شرعہ حاجی محمد اقدی مواجہہ سندہ یدندہ نتاجاً مالی اولوب بوندن اقدم قیوجی اوغلی بغوصہ امانہ ویرمش اولدیغی تیمور قیز بر رأس قسراغی مرقومدن طلب ایلدیکنده ضایع اولدیغی بیان ایتمش ایسہدہ مذکور قسراغی مدعی علیہ مرقوم یدندہ بولمغله بالاستحقاق دغوی ومدعی علیہ مزبور دخی واضع الید اولدیغی مذکور قسراغی سبزه جی اوغلی بہجتدن مبادلہ اشترا ایلدیکنی مدافعہ درمیان ویوم محاکمہدہ عدم ورودینہ بناء مدعی مزبورک طلیلہ جریان ایدن معاملہ غیابیہ نتیجہ سندہ بروجه محرر مدعاسنی بالینہ اثبات ایتمکین بعد التحلیف موجبہ موصوف مذکور قسراغی مدعی مزبورہ تسلیمہ حکم وظہریہ اعلامک مالی دخی حاجی محمد اقدی مدت قانونیہ سی ظرفدہ بالایحہ اعتراضیہ محکمہ یہ مراجعت ایلمسی اوزرینہ تعین اولنان کوندہ معترض علیہ صالح اغا محکمہدہ حاضر اولوب معترض مزبور حاجی محمد اقدی بلاعذر شرعی محکمہ یہ کلمدیکی کی لایحہ سندہ درمیان ایلدیکی اعتراضی واهی والتفاتہ غیرشایان اولمغین ردیلہ حکم اعلام مذکور تصدیق اولندیغی ناطق ومالی مدعابہ حیوان مذکورک بلا مؤتہ جلب واحضاری ممکن دکل ایسہ متناً حکم مذکور حقندہ اصولہ موافق وظہراً دخی تصدیق مذکور بیاندن عبارت دیو فتواخانہ عالیدن بالایہ محرر قید صورت مصدقہ سی اوراقی میانندہ کی ضبطندن حل ایدیلہ مدیکی کی شاهد ثابتنک شہادتیی دہ ضبطنہ مخالف اولمغله یکیدن اجرای محاکمہ ضمنتدہ اوراقلک قضاء مذکور قاضیلکنہ مظروفاً اعادہ بیورلمسی تذکر ایلادی اولبابدہ ۲۵ ح سنہ ۱۳۳۴

* *

عینتاب محکمہ سندن ۱۸ ربیع الاول سنہ ۱۳۳۴ تاریخہ اعطا اولنان اعلام شرعی حقندہ

اعلام مذکورک خلاصہ مالی الحاج حافظ توفیق اقدی مجلس شرعہ متوفی الحاج شیخ محمدک صغیر اوغلی اولوب متروکاتنہ بالوراثہ واضع الید اولان محمد علی اقدی مواجہہ سندہ متوفای مزبور حیاتندہ حاجی ولی مسجدینک اتصالنہ کی احمد اغانک خانہ سنک جامع شریفہ مناسبتی اولمغله جامع شریف مذکور ایچون اشتراسنہ یکرمی لیرا

وصیت و تنفیذینه کند و سببی وصی تعیین ایلدیکندن بالبحث بر موجب وصیت مبلغ مذکورک طرفه تسلیمنی دعوی وانکاره مقارن بالینه اثبات ایتمکن موجبجه مبلغ مرقوم یکرخی لیرائی متوفای مزبورک ترکه سندن اولمق اوزره مدعی و ضی مزبوره ادایه مدعی علیه مزبوره تنیه اولندیغنی ناطق و مالی متوفای مزبورک مصرأ علی ایضاًه وفات ایلدیکی و ترکه سنک ثلثی مبلغ مؤصابه مذکوره مساعد بولندیغنی تحقیق ایتیش ایسه اصولانه موافق دیو قنواخانه عالیدن محرر اولوب صورت مصدقه سی اوراقی میاننده کی ضبطندن حل اولانه میان قیدلره نظرأ یکیدن اجرای محاکمه ضمنتده اوراق وارده الواء مذکور قاضیلکنه مظر و فاء اعاده قلندی

* * *

دادود پاشا محکمه سندن ۲۷ شعبان سنه ۳۳۳ تاریخیه اعطا اولنان اعلام شرعی حقیقده
اعلام مذکورک خلاصه مالی محمد شا کر بکک وکیللرندن احمد مقبومی افندی مجلسده نیازی افندی حاضر اولدیغنی حالده نسیمه خاتم مواجهه سنیده موکل مؤمی الیهک اوغلی حاضر مزبورن علیل الوجود و فقیر اولمستدنناشی زوجیه سی مزبوره ایله اوج نفر اولاد صغاری ایچون باباسنی موکل مؤمی الیه اوزرینه در دست تنفیذ بولنان ۱۰ محرم سنه ۳۴۹ تاریخلی حجت شرعیه منطوقنجه شهری ایکیوزغوش نفقه تقدیر اولمش ایسه ده مدعی علیها و صغار مرقومه بی ۱ ایلول سنه ۳۴۸ تاریخندن ۵ اغستوس سنه ۳۳۳ تاریخنه قدر عیناً و نقداً اتفاق واکسا ایلدیکندن بالبحث مزبور نک مدت مذکوره ده متراکم نفقه مطالبه سیله معارضه دن منعی دعوی ایلمی اوزرینه جریان ایدن محاکمه نتیجه سنیده مؤمی الیه شا کر بکک مدعی علیها مزبوره نسیمه خاتمه اوج نفر اولاد صغاری مدت مذکوره ظرفده عیناً و نقداً اتفاق واکسا ایلدیکی بالینه و قسماً مدعی علیها مزبوره نسیمه خاتم اقرار یله ثابت اولمغین مدعی علیها مزبوره نسیمه خاتم مدت مذکوره ده متراکم یدیک اوتوز اویچ غروش اوتیز یاره بر اچه مطالبه سنله موکل مؤمی الیه معارضه دن منع اولندیغنی ناطق ایسه ده نتیجه مالی منع مذکور بیانندن عبارت و شهودک شهادتلی تسلیماتک جمله سنی معاینه ایتمک صورت یله واقع اولمش ایسه موافق اصول دیو قنواخانه عالیدن محرر قید اولباده کی شاهدلردن بریسنک وفات ایتدیکی قاضینک مربوط لایحه ظهرنده محرر درکنارندن اکلاددیغنه بناء حل اولنه مدیغندن یکیدن اجرای محاکمه ضمنتده اوراق تمیزیه قاضی عسکرک محکمه علیه سنه تودیع قلندی

اوقاف محکمه سندن ۱۸ محرم سنه ۳۲۳ تاریخیه اعطا اولنان اعلام شرعی حقنده
اعلام مذکورک خلاصه مالی ذکری آتی وقفه قائم مقام متولی تعیین و خصوصتی رأی
اولنان اوقاف وکیلرندن محمد منیر افندی مجلس شرعده نافعہ نظارتی حقوق مشاوره
وکیلی اوخانس افندی مواجهه سنده اسکدارشیلہ شوسه سنی انشا ایدہ جک شرکته نظارت
مشار الیہا بینده منعقد مقاولہ ده حکومتجه ارأه اولنه جق محللرده شرکتک طاش اخراجی
حق بالتصریح انشاآت مذکورہ شرکته احالہ اولمش واولوجهلہ مذکور شوسه نک
انشاسنده عتیق والدہ سلطان اوقافندن اولان علم طاغندن اون بشیک چکی طاشی اخراجی
واستہلاک ایدلمش اولغله بدلی اولان بہر چکیسی التمش پارہ دن جمعاً یکرمی ایکی بیسک
بشیوز غروشک نظارت مشار الیہادن تحصیلنی دعوی ومدعی علیہ وکیل مزبور دخی
دعوی واقعہ نک تفریق وظائف حقندہ کی نظامنامہ موجبہجہ رؤیتی محکمہ نظامیہ
عائد اولدیغنی درمیان ایلہ اولبابدہ جریان ایدن محاکمہ نتیجہ سنده دعوی مذکورہ نک
محکمہ اوقافدہ رؤیتہ وکیل مزبورک عدم رضا و موافقتہ وسایق دعویہ نظراً مدعی وکیل
مومی الیہک محکمہ نظامیہ مراجعتلہ اقامہ دعوا دہ مختار بولندیغنی کندوسنہ تفہیم اولندیغنی
ناطق ومضمون اعلام تعیین مرجعدن عبارت اولغله دیو فتواخانہ عالیدن بالایہ محررایسہ دہ
دعوی مذکورہ تصرف حقندہ اولمایوب صورت دعویہ نظراً عین وقفک مستہلاک
اولان جزئہ دائرہ وبو جہتلہ رقبہ وقفہ متدائر اولدیغندن رؤیتی محکمہ شرعیہ عائد
وبناء علیہ محتویات لایحہ محتاج تدقیق اولغله اجرای محاکمہ ضمنتدہ اوراق تمیزہ محکمہ
مذکورہ قاضیلکنہ مظروفاً ارسال قلندی .

ایضاحنامہ

ایتام نظامنامہ سی ذیلک صور تطبیقیہ سی حقندہ استیذان حاوی اولہرق برغہ قاضیلکندن مورد ۱ شباط
سنہ ۱۲۳۱ تاریخی و ایکی یوز اتوز دت نومرولی تحریرات ایلہ علی ایتام مدیرتک ملفوف مذکرہ سی اوزرینہ تنظیم
قلنان ایضاحنامہ در .

۱ — ذیل نظامک ایکنجی مادہ سی ایتام ادانات صندوق نامنہ اداانہ ایدیلان
مبالغدن حصولہ کلن ربحک توزیعنہ متدائر اولوب آنجق درسعادتدہ یوزدہ طقوز
حسابیلہ الزام ربج اولندیغنی حالہ طشرہ لرجہ بعض محللردہ یوزدہ طقوز و بعض محللردہ
یوزدہ اون ایکی حسابیلہ ربج الزام ایدلمکدہ اولسنہ وآتیا احوال اقتصادیہ نک کشایشیلہ